

渦陽風土記卷七

渦陽縣知事葉縣黃佩蘭撰

名宦

果敏公英翰

果敏公英翰爲清代中興名臣非一縣所得私也顧其擒張樂行守雉河集施惠渦民與渦民之世受其賜者實不能與他邑等倘名蹟不載於志乘豈不與韓通無傳馬文淵之不列雲臺同爲千古憾事哉公諱英翰字西林姓薩而圖爾氏滿洲正紅旗舉人以知縣揀發安慶歷署合肥鳳台霍邱同治元年署宿州徧地賊踪城如孤注英翰以

渦陽風土記卷七

名宦

一

恩信結人心收復賊圩數十賊衆爲豎立馬受降碑公知脅從之可與悔禍也二年二月用貢生牛斐然計收撫劉天福李勤邦劉天祥張慎德王鳳朝羅克有侯永固多名遂誘擒擒酋張樂行並其子喜授潁州府知府加道銜苗沛霖叛圍蒙城率軍趨援攻克丹鳳集連破賊踞之穆張蔡等圩七月命署廬鳳道接統蒙亳諸軍疊攻滄北賊圩破之功最奉有英翰在皖素稱得力令認真防勦之論緣事被議殊批降五級留任旋擢布政使督軍漫水河黑石渡收降衆三千餘僞天王馬融和就擒潛太英霍肅清賞鑑僧額巴圖魯勇號四年擒衆合股圍雉河集英翰夜率

二十八騎突圍出會各路援軍周盛波等克高爐集破賴文光牛老洪等渦南破張宗禹任懷邦等渦北雉河圍解五年賴文光等竄潁州復督軍由大橋集進勦追至薛店賊由宿州竄懷遠渡渦掠下蔡即今鳳臺縣又擊之於陶王集棗木橋大破之擢安徽巡撫六年派兵四千援陝西自簡精銳萬人赴山東勦東捻丁父憂奉諭墨經從戎權巡撫事督軍馳赴運防敗賊宿遷匪首劉桂張淙張鳳山蔡志誠謝得光王鳳等先後投誠復於盱眙擒僞衛王李允正法皖境肅清疏請終制時張宗禹竄擾畿南奉旨俟西捻蕩平後再行扶柩歸旗遂督將士會湘淮各軍困賊於黃

渦陽風土記卷七

名宦

二

運間事平賞太子少保銜輕車都尉職八年回巡撫任九年服滿即真在皖搜捕漏網賑恤水災培飾書院五年之中綱舉目張光緒元年升兩廣總督因事落職旋授烏魯木齊都統卒官贈太子少保從優議敘子謚果敏性至孝公餘養志如孺子帶兵罰必當罪賞恒浮於其勞故人皆願效死力其豁達大度推誠待物尤有古大臣風渦人牛師韓魏學純等爲建專祠

論曰果敏公殄滔天之狂寇六七年間游臻專閫名垂奕禩何其偉也顧智名勇功無殊絕過人處竊嘗訪其軼事統領牛師韓追賊章邱圩民誤施炮傷牛頗重公痛切膚

命屠其圩牛力諫乃止牛病假中公養子宗勝謀代牛統
軍事魏學純面斥宗勝語且侵公宗勝泣訴學純無禮狀
公曰以汝才望何堪希此非分學純汝誚友乃今以怨報
德孺子尙可教乎合肥徐子苓高士也自號龍泉牧與曾文正邵位西張石洲諸先生交莫逆與公爲昆弟交一日敝衣詣巡撫署公屣履出
迎酒酌樂作徐抗言曰大難初夷百廢待飭而君輩爲大
官者固樂甚乎僕老罷殊不慣此因起趨出公亟謝曰謹
受教立命撤樂欸留數日而別昔班叔皮之稱漢高也曰
用人如由己從諫如順流孟子云好善優於天下果敏之
得士而資以成功其以是哉

熊思立

熊思立字玉亭湖南道州人以武生從勦髮匪積功擢總
兵加提督銜同治丙寅駐防渦陽建敵樓掘壕塹皆以兵
任畚鍤考其勤惰爲賞罰時渦城未建屢摧巨寇而七鬯
無驚皆思立綢繆力也戊辰春果敏公英翰及安徽巡撫
吳勤惠公棠先後請帑創修城垣委思立董其事思立以
爲東南大亂垂二十年軸杼告空司農仰屋修城本以衛
民倘復竭脂膏以事鑿築則與率土地而食人肉者何以
異且屯兵列縣坐耗餉道遙兒戲雖勁旅未有不罷老
者淬厲部伍以紓節度支五百健兒足抵水衡十萬矣於

是著短後衣繫牛鼻褲芒屨草笠與士卒同操作板車運石箱車運磚皆以人力推輓麟麟殷殷不絕於道軍無罷勞民無怨讟翌年城成用帑金僅萬餘渦人勒石以紀其勞思立厚重少文某大員過境頗以簡畧見嫉敘錄不及時論惜之

任蘭生

任蘭生字腕香江蘇震澤人咸豐末納資爲同知投效皖營喬公松年委充前敵營務處至則大爲果敏公英翰所賓敬事必咨而後行雉河集者撻賊老巢也貫渦河之中撻欲據之以躡潁亳壽同治四年僧忠親王戰沒賊酋張

渦陽風土記卷七

各節

四

宗禹任柱賴文光蓋橫合衆十餘萬南趨圍之數重時守兵三千人形勢寡弱英翰公謀曰今賊衆兵少不死守待援則彈丸小集齋粉矣於是屬君與道員史念祖堅守而自率數十騎卽夜潰圍馳出賊偵知益疾擊君廣設方畧權譎機變九天九地賊不能窮逡遁失氣圍中食且盡君以餘粟分置四門虛內倉而實其外標旆充積矢守益固相持四十餘日而英翰公以援師至卒大破之聲譽翔震遠近皆竒君才後官至鳳潁六泗道卒百姓頌其遺愛弗衰巡撫陳公夔臚陳事實贈內閣學士祔祀果敏公祠子傳書傳薪

薛元啟

清同治十二年安徽巡撫果敏公英翰奏稱新設之渦陽縣即張逆老巢雒河集也介阜蒙宿亳四州縣之中爲皖北第一要地設縣以後定爲衝煩難題調要缺由外揀補原因大亂初平伏莽未淨附循控制必須才能出衆之員方足勝茲劇任查有運同銜補用知縣薛元啟現年五十七歲河南南陽府泌陽縣人六年委署渦陽該員廉幹勤明樸實老練在渦陽署任兩年儉以治己惠以養民禁暴安良百廢俱舉至今頌聲播於道路渦陽老幼男女無不盼其復來以之請補洵屬人地相宜及奉旨俞允而元啟

渦陽風土記卷七

名宦

五

竟不及見矣元啟字雲錦姓薛氏初以部供事敘官縣丞分發湖北需次襄陽入讞局有木商訟不得直私餉二百金爲壽元啟廉其獄直直之而還其金土豪強占人田三百畝府委往驗紳賄金四百還以實報並呈所餽金直聲大震咸豐元年攝襄陽丞二年以丞權穀城縣事疏積潦入漢懲蠹役一人縣大治縣駐提督兵校驕悍元啟至皆縮手奉法去官時民扶老攜幼攝督撫大閱盛儀護送境上三年攝襄陽府經歷兵備道宿松羅澹村先生延入昕夕相對以得人自賀謂曰人不可一日不讀書自是手不釋卷四年率襄勇赴安陸防勦粵匪勤訓練明賞罰所向

克捷襄勇數千支糧不假於人凡三年絲粟不苟並斥私財三百金助軍五年以克復安陸府功及京山等五州縣奏保知縣加六品銜補黃岡縣攝宜城篆振興書院宜人刻石頌德總督官文恭公愛其才欲屈爲門下士元啟不可六年移棗陽是年九月襄陽亂民圍城募勇赴援時省治移襄陽布政使馬藝林伐城守功元啟曰明使何必沾沾於是當俟千載公論耳馬肅然恨獲交之晚七年亂民圍棗陽守半月圍解旋移攝光化老河口巨鎮也向有陋規三千餘串悉禁革市痞洗心九年赴黃岡任至卽杖斃一蠹役又治大戶抗糧者一人民以大和始胡文忠巡撫

涇陽風土記卷七

名宦

六

湖北知人善任以藩道密保元啟特加委任先時有構陷者文忠將劾之馬羅諸公力爲解免及蒞黃岡欽使駐節軍書旁午元啟水陸送迎之時卽視事之時委蛇退食之時卽決獄之時文忠密使偵察始信馬羅二公之能知人也一時忌元啟者紛紛請他調文忠一不聽曰湘勇數百營惟薛令處之無間東征方急不能改換生手十一年二月昌營東兒嶺失利黃州無兵無餉欲招勇執事者尼之調團不時至城倉猝陷元啟方以事出不及歸文忠聞警急檄云能三日守救必至不及又手書招元啟到藍蘄面慰之曰城破無兵勇非爾罪好自爲之我當爲爾洗白元

啟計招降人劉維楨黃州用以克復適文忠卒復城之功
竟不得論新撫李勇毅公駐節黃州知元啟治狀不令去
官與官文恭爭不得及勇毅還安徽巡撫本任奏調元啟
赴皖同治元年八月署桐城始至杖訟師某訟用希被杖
者亦卒爲善士縣陷賊十餘年至是始舉行縣試元啟悉
意校閱得人最盛吳京卿汝綸其著也桐人設長生祿位
供之至今不絕三年曾文正檄元啟查大勝關鹽務六月
金陵克復先是曾李奏留之摺部駁只准以知縣隨營差
委至是督撫會奏稱元啟久歷戎行功績卓著始准以知
縣候補安徽六年攝渦陽渦陽新設之縣野多奧草官無

渦陽風土記卷七

名宦

七

公衙士氣銷沈民生墊隘且分置未久人民狃於習慣訟
獄征徭玩抗規避莫可究詰加以潰卒漏匪伺間蠢動欲
守無可憑之城欲戰無久練之兵其他庶政凡可以繫屬
人心鞏固邦本者百無一舉著手萬難元啟開創規模講
求利病所宜首先捐廉俸以創書院考棚復查逆產充膏
火尅期舉行縣試以明示蕪嚮轉移頽風於是劃疆域招
流亡勸農桑給牛種開溝渠修磚城編保甲分泚地其不
率教者則剴切曉諭擇尤懲治恩威并用縣人以青天呼
之八年丁生母憂回籍十一年服闋署霍邱十二年六月
卒於任所貧無以殮善化韓崧申甫惋之爲作雲錦石記

畧曰公治事之廨有石峯公甚愛之嘗曰此他日鬱林石也公幼時嘗夢至一古刹壁有雲錦青霞四字遂以雲錦爲字今講題其石曰雲錦石庶後之人觀石思公之垂於不朽者其來有自士民之所以愛公者亦將與石俱永元啟在襄陽有匪紅腦壳者與髮逆通擬北陷宛洛直搗燕雲元啟善用槩招唐泌之能拳棒者率之自成一軍屢戰皆捷紅逆以滅胡文忠得一意東征元啟力也黃岡縣志稱元啟英敏有幹才猾吏屏息治盜嚴而與民不苛卒年五十七弟元釗爲縣太原亦有聲

論曰語云達視其所舉元啟沈淪下僚遭亂世以廉幹英武遞受知於馬羅胡李曾英諸君子感慨蔚爲國器雖亟蹟未竟厥施而所至聲跡爛然非倖而致也元啟虛納善

渦陽風土記卷七

名宦

八

下宏獎有曾胡風得士如孫慧基庶常張覲文太史吳汝綸京卿其他登賢書捷南宮者指不勝屈其歿也京卿狀其事京卿之子闔生更碑以永之不有門下三千客至今誰識信陵君諒哉

劉志存

劉志存字篤菴壽州恩貢生銓訓導清同治四年自蒙城移任渦陽時無黌舍生徒散處志存置講席破屋中負墻之士漸得依歸秩滿縣人請主講義正書院嚴課程振淹滯文風丕變八年知縣石成之謀修縣志徵縣人武生楊霖生員王冠甲任纂修志存實總其成歷金耀奎吳以敬

兩縣尹至十年事竣未付梓名曰草志

序曰昔朱考亭守南康下車問志君

子謂之知政本可知志也者載一邑山川風俗田賦學校禮制節義鄉賢名宦所以徵信將來佐休明之治而備輶軒之採者也况渦陽始為捻匪肆興之區宮保英翰於治平後同督撫會稟具奏請設縣添官以資化理乃撥毫宿阜蒙四境地爰立渦陽則渦陽志屬創始土地人物諸類釐正搜羅厥功固非易予於庚午春由蒙城撥署渦陽甫蒞任而楊君澍田王君雨樓王君林一方修志聞子來甚喜謂可藉以裁正乃經費不足建修旋罷越五月望後宮保英翰奉命閱兵而論修志尤諄諄於兵事一節可知兼施幾經勞瘁始克肅清尤欲筆之於書以示當時而警後世則渦邑之人民土地宮保固未嘗一日去諸懷也然則蒞斯土者於湖陂之淤塞也必思所以疏通之於風俗之強悍也必思所以易移之於人文之鄙陋也必思所以振興之於節烈之湮沒也必思所以表揚之則上以副朝廷立縣命官之意下以答閭閻父老愛戴之誠庶於朱考亭問志之本心先後若合符節焉至此志或失之粗或失之淺或失之索在所不免以經費不足未能延請洽見博

渦陽風土記卷七

名宦

九

聞之士而刻期於報竣故也後之君子繼續纂修俗者雅之畧者詳之鄙者文之踵事增華從而潤色焉是予所厚望也 民國六年 月佩蘭來蒞此土恫志乘之缺如嘗取

志存書讀之有不能已於言者周禮外史掌四方之志行

人之所獻職方之所聚大師之所陳皆萃而藏於柱下周

衰史失其官孔子觀百國寶書慨然修春秋以承其乏知

我罪我猶不能無私家著述之嫌漢王允稱武帝不殺司

馬遷使作為謗書流傳後世專制霸主且有因一時紀載

文致之以事株連者如戴南山子遺錄之類作方志者恪守庶人不

議之義不得已而襲水經注風土記歲時記及華陽耆舊

汝南先賢之故籍流連風景搬演故事載筆者即抗手酈

常鬱勃欲宣之忱終囁嚅而不敢自達其庸下者更無譏
矣宋明方志之偷實由於此清代循良迭出陸稼書李兆
洛諸公政成民悅間抒其獨得之甘苦勒治譜以昭來茲
顧遠嫌避諱賢者不免志存所爲固宜其詞之慎也中華
紀元著作自由載在約法禁網蓋疏闊矣矧五行百產天
然蕃衍人事所經營風氣之變幻亭毒胚胎供人採擷形
勢因刻鏤而愈紛人材以激宕而競秀可以志食貨可以
議學校可以記風俗可以闡幽潛較立縣之初草昧經營
有未可以道里計者渦肥人士以邑乘不備歷年屢作屢
輟抑鬱愈甚一旦興廢繼絕踴躍捐資樂觀厥成視志存

渦陽風土記卷七

名宦

十

從事之時或易爲力惟大難初平元氣未復水旱迭警中
更劉匪王軍之變民生凋敝文化消磨辛亥城陷藏書案
牘與兵燹而燼且流風漸邈故家子弟數典或忘鄉邦故
事傳聞尤殊計無復之進一二老兵退卒乞其言以爲證
視志存載筆之初更覺困難佩蘭不自揣測感縣人呼籲
之誠思所以信今傳後者網羅舊聞評隲鄉土例取通史
不敢一代興廢湮沒事實郡縣官職悉本當代定名或有
清舊制人物以時代爲篇次不欲以區類標題分謗歐史
溝渠利關民生因革興作紀載較詳雉河巢匪搶攘幾遍
域內鯨鯢窟穴蕩爲縣治聞不如見兵事取材多資劉說

其大較也金耀奎以同治四年守義門集功洊擢知縣石成之勇於任事後修鳳臺縣志於李兆洛原書橫加塗乙今之思李志者人人引爲憾事視草志之家守一編轉或遜之文章壽命其亦有數存焉志存可以慰矣

符兆鵬

符兆鵬字搏九廣東海康縣人清同治辛亥進士光緒六年蒞涓涓陽立縣未久地偏民僿榛狃渾噩習爲故常兆鵬大戚延聘劉志存李鍾俊諸名宿主講義正書院選邑中高才生數十人庇厦給餼日省而月試之鄉儒之資館穀者亦不時延接爲之指示教法嚴定課程初年應童子試者僅四百人三年後且八百人歲科試諸生之擢優等充拔萃者日浸月盛涓士比之文翁自立縣以來一人而已惜泥古不達時勢四次蒞涓皆躑躅失意而去其政事殆不如文章云

何慶釗

何慶釗字敬甫廩貢生河南固始籍妻李氏與李兆受兄弟也慶釗豁達有智略清光緒二年蒞涓是年丙子自春徂夏旱魃爲災赤地如焚人心洵懼閏五月二十九日永城南昌廟涓境李破樓皆有聚衆豎旗之謠搶孽曠同勾結席小猴等數百人搶蕭縣之永垆砦六月一日撲百善

站二日犯柳子鐵佛寺踞濰溪口謀掠臨渙時慶釗赴省
人民一夕數驚警報紛來守備楊某不知所爲慶釗聞變
馳歸立命洞開四門市不易肆工不輟業率輕騎巡行雁
落寺燕海子龍山湖等處從容鎮靜浮言頓息李破樓一
股竟懾於聲威匿惡弗彰旋經徐州鎮董鳳高壽春鎮郭
實昌統領李得勝分路勦撲未數月擒斬略盡渦境逮捕
者獄囚纍纍慶釗訊明分別懲釋僅戮郭駱頭一人而事
平善聽斷曹市集黃萬春與陳某合貲販牛皮亳州歸至
龍山西陳以棍傷死萬春喋血匍匐報被刦狀慶釗馳勘
見小車欹道左尸橫卧車絆麗項際萬春稱賊突出擊陳
夥死已卽驚走受械幸未致命血猶涔涔也慶釗遍視車
前後目萬春曰遭險後車皆仍舊乎爾曰然問地保亦應
曰然遂帶萬春歸據案厲聲曰殺人者汝也豈有倉猝逃
死尙從容盤緯繩於車頭者乎貪財謀殺胡狡賴爲刑之
果吐實獲贓銀於秫田中封識宛然其摘伏發姦多類此
三年遷宿州牧卒於廬州府署

張樹建

張樹建字玉甫江蘇高郵人先後三涖渦陽幹練有能名
前任符兆鵬以渦陽新造極宜籌建賢宮擬接畝抽捐邑
紳有尼之者乖迂卒未戴事樹建商各圩長分別集款未

動工奉令調盱眙旋回任委馬紳驥才等董其事量地鳩工不日告成莊嚴輪奐卽今之孔廟也縣北龍山湖迤東窪下舊有肥河年久淤塞渦人議濬而下游蒙城不協樹建勘自太清宮之劉井子下至高爐集東之單家集開渠十餘里廣五丈深丈餘導肥入洞渠成名曰青洋溝實光緒十八年也二十五年有曹縣趙滿天者以拳術教授雁落寺寺居臺渦太阜之交從之學藝者數百人豫虞城廩生白宗蓮自稱軍師煽謀不軌鄭家營子牌長鄭思敏發其事樹建會四縣健役掩獲二十餘人皖撫飭潁州知府許沛霖鞠之獄具斬趙滿天宮登壁二人餘黨流禁有差

樹建以防患未萌賞三品銜記名道員樹建聰明疆記善治盜士民一見輒誌其姓字不忘偵香會士倡地痞衙蠹之類得情立懲治曰此盜囹也源之不澄濁將何及去任後卒於潁州府署祠名宦

清職官表

紀年知縣 義門 典史 教諭 龍山營 守備 千總 把總

同治王峻 周春德 劉志存 汪臣治 吳峻 基喬登科 郝得功

三年直隸寶坻 鑲金耀奎 壽州 汪臣治 吳峻 基喬登科 郝得功

五年沈鍊 直隸天津 華襄 孫傳炳 陳德厚 楊萬林 路儀廷

六年沈守愚 董照 昭 高永明 孫傳炳 陳德厚 楊萬林 路儀廷

浙江 薛元啟 張錫寶 李謙 王用賓 潤之

河南泌陽 董濟昌 喻增高 李俊鍾 戚治全

七年 江蘇 江蘇 江蘇 江蘇 江蘇 劉治成

八年張敷文 李震鈞 童楨 光深 呂應魁

江蘇 石成之 楊毓英 許恩榮 方秉仁

九年 金耀奎 楊毓英 許恩榮 鄒鳳臺

十年 吳以敬 鄒鐘俊 吳提經

河南固始 許保慎 劉訓煌 吳連陞

十年 清桂 鄒天大興 高樹楹 賀則循 張得喜

滿州 李榮綬 歐陽霽 郭則樑 盛殿揚 吳玉階

光緒 符兆鵬 陳之昌 徐如熏 陳之澍 棟臣 鳳陽 筱山 郭文麟

元年 廣東 海康 顧永泰 陳時清 胡青雲 何師程 李鴻標 王扶遠

二年 何慶釗 李汝芳 潘鴻才 李孝友 張餘慶 吳有謀 謝文理

固始 符兆鵬 童楠 汪步瀛 李 泰 邵汝泉 吳可興 牛漣

三年 符兆鵬 童楠 汪步瀛 李 泰 邵汝泉 吳可興 牛漣

四年 李瑞藻 吳師召 蕭泰來 劉如金 李殿元 劉世才

江蘇 江蘇 江蘇 江蘇 江蘇 鑄臣 壽州 提三 懷 蕪

五年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

六年 周伯星 童楠 余宗德 吳可傳 周濟州 吳有謀

浙汪仁和 少亭 鳳 臺

涇陽風土記卷七 職官表

七年

陳玉峯 顧昱

劉恩林 陶春圃

張盛璧

八年

康聯葵 梁顯光

何中才

于天學

十年 吳春鐸 宋超

順天宛平 林致中

戴景明

孫傳曾

固始 俞燾

江蘇江寧 蘇廷鵠

慶雲宿縣 薛鴻範

劉永卿

十年 符兆鵬 復王汝霖

河南光州 馬光廷

邵汝泉

張朝棟

十二年 毛譽頴 李澡德

順天寶坻

徐寬宏

孫席珍

十三年 傅炳坤

施際雲

陳維翰

馬承恩

江西 鄒鍾俊

江西南昌

幹臣壽縣

十四年

羅贊勳 季長齡

秦德榮

王鴻熙

祝良鑫 劉彬

河南懷寧 江蘇上元

慎卿和州 隋君生

鳳台縣 夏鴻飛

渦陽風土記卷七

職官表

二

十六年 張樹建 莊

張雲鵬 羅國華

周濟川

趙玉衡

歐陽霽 歐

浙江烏程

巨臣壽縣

龍山

十七年 馮繼昌 庭

江蘇句容

李成有

劉定邦

十八年 張樹建 復

江蘇句容

戴長勝

治卿壽縣

二十年 歐陽霽 復

袁乃傳

茂芝南京

朱佩元

二十一年 桑雋 船

河南睢州

南京

劉世才

二十三年 陳福元

甘壽銘

孫多經

榮卿

二十四年 歐陽霽 復

福建侯官

費文堯

濟才

二十五年 王樹鼎 燾

浙江歸安

康侯

趙玉衡

山東濟南

孫洪濟

祝三

金鴻業

廣東 李應珪 旺

廣東

樹德

張樹建 饒

三十七年

三十八年

魏蔭曹
福建龍巖
游鶴林
山東高密

三十年袁學昌 幼

直隸宛平

三十二年李家澍 鄂

湖南岳州

三十二年蕭德驥 豫

四川富順

郭琴堂 蕭德驥
河南商水
冒樹穀 李崧林 易占吉
俞進

宣統二年劉敬襄 劾

韋宗泗

張貽信 湯玉和
聘三山西

郭鴻昌 楊錫恩
蘆洲鳳陽子純

三年

李宗綱
龔坦 龔坦
伯平 江西
陳崑壽

渦陽風土記卷七

職官表

三

中華民國職官表

紀年知事警察監獄

中華民國元年

劉炳林 湘

湖北黃岡

范國彬 菴

懷遠

鄭壽葵 常仲

湖北江夏

二年張琴 劍

定遠

周之楨 椒

阜陽

三年關彥 閤

合肥

吳山 帥

滁縣

張其濬 鄉

浙江紹興

保安軍營

鄭瑞昭

克明

國防隊營長

魏漢江

星册縣人

張士賢

子俊

魏殿英

輔臣壽縣

四年程鑑齋

江蘇江寧

張其濬

六年唐豫桐

浙江紹興

黃佩蘭

河南葉縣

李毓岱

警備隊營長

田景山

勳臣縣人

陳秀山之仲

河南杞縣

高奉章

河南葉縣

渦陽風土記卷七

職官表